

UNIONE DE IS COMUNOS DE SU GERREI

SERVÌTZIU DE POLITZIA LOCALI

ORDINÀNTZIA N° 75 DE SU 12/10/2023



UNIONE DE IS COMUNOS DE SU GERREI SERVÌTZIU DE POLITZIA LOCALI

ORDINÀNTZIA N° 75 DE SU 12/10/2023

prot. n. 1740
de su
12/10/2023

Ogetu: Regulamentatzione temporànea pàsida e tzirculatzione veìculos in sa Bia Dei Fiori, tzentru abitadu de Santu 'Asili, in occasione de traballos de mantenimentu edilìtziu.

SU RESPONSÀBILE DE SU SERVÌTZIU

Bida sa comunicatzione achirida a su protocollu n. 5658 de su 09/10/2023 in su Comunu de Santu 'Asili e relativa a s'ocupatzione temporànea de terra pùblica cun piataforma aèrea mòbile pro acumprìre piticos traballos de assètiu e mantenimentu in s'edifìtziu situadu in sa Bia Dei Fiori n. 4 in data 14/10/2023 dae is oras 09.00 a is oras 12.00;

Cunsideradu chi s'ocupatzione in chistione, cunforma a s'art. 17 de su regulamentu comunale pro s'aplicatzione de su cànone ùnicu patrimoniale de su Comunu de Santu 'Asili (aprovadu cun Deliberatzione C.C. n. 5 de su 26/03/2021), est cunsiderada ocupatzione ocasionale e duncas benit cuntzèdida/autorizada cun sa presentada a su mancu tres dies a in antis de su traballu e si sa durada no nche isciaddet is tres oras pro traballos de assètiu e mantenimentu chi pertocat fentanas e portas, muros e coberturas;

Acumpridu dae banda de custu servìtziu dèpidu controllu e averguadu chi is sa carregiada cun sa presèntzia de s'autoelevadore, non permitent a àteras màchina de colare in caminu;

Donadu atu chi s'emanatzione de su presente providimentu est finalizadu isceti a sa regulamentatzione de sa tzirculatzione istradale e chi duncas non dispenzat su rechedidore de su possuessu de totus is àteras autorizatziones netzessàrias pro s'acumprimentu de is traballos ispetzificados;

Bidu s'art. 6 bis de sa L. 07.08.1990 n. 241, e cunsideradu s'ausèntzia de unu cunflitu de interessu, fintzas potenziale, dae banda de su Responsàbile de su Protzedimentu (Cap. de P.L. Dot. Alessandro Porru) e de is titulares de is ufìtzios cumpetentes a adotare is parres, is valutatziones tècnicas, is atos endoprotzedimentales e su providimentu finale;

Bidu su dispostu de is artt. 5,6 e 7 de su D.L. vo 30.04.1992

Bidu su decretu presidentziale n. 4 de su 10/07/2023, cun su cale est cunferidu a su sutascritu s'incàrrigu de Responsàbile de su Servìtziu de Politzia Locale;

Bidu su D. L.vo 18 Austu 2000 n. 267 e abetada sa cumpetèntzia pròpia a s'adotzione de su presente àutu,

ÒRDINAT

Sa die 14 de ladàmine 2023 dae is oras 09.00 a is oras 12.00 e comente si siat finas a s'agabbu de is traballos, pro is motivos indicados in sa premissa, in su tzentru abitadu de su Comunu de Santu 'Asili est proibida sa pàsida e sa tzirculatzione a totu is veìculos in sa Bia Dei Fiori in su tretu cumprèndidu intre sa rugrada cun Bia Scala Pietra a cuddu cun sa Bia Degli Orti in su respetu de totus is cunditzones elencadas :

- a) de pònnerre in òpera sa signalètica istradale giusta, cumpresa sa previdida pro sa seguridade de su cantieri, segundu is leges e disponimentos vigentes, a cura e ispesas pròpias, pighende eventuales cuntatos preventivos cun sa Politzia Locale, curende su mantenimentu durante is traballos e assumende si cada responsabilidade penale e tzivile pro cada disacatu a cosas o pessones chi sa permanèntzia e/o mala collocatzione de custa signalètica podet causare;
- b) de s'impinnare personalmente a si rëndere reperibile pro cale si siat sinnalatzione retzida

de interventu apretosu subra de sa signalètica istradale o de cantieri;

c) de èssere cusciente de s'òbrigu de ponidura de sa signalètica verticale 48 oras a in antis de su cumintzu de is traballos donende sa comunicatzione a su Cumandu de Politzia Locale;

d) de èssere a connoschimentu de s'òbrigu, casumai is traballos si concruient in antitzipu cunforma a is tèrmines prevididos de nde donare comunicatzione lestra a custu Servìtziu.

AVERTET

Chi su responsàbile de su protzedimentu est su Responsàbile de su Servìtziu de Politzia Locale de s'Unione de is Comunos de su Gerrei e chi is atos de su presente protzedimentu sunt in bisione durante s'oràriu de abertura a su pùblicu acanta su Distacamentu de su Comunu de Santu 'Asili; Chi cada interessadu podet presentare memòrias iscritas e documentos e eventuales cunsideros a norma de sa normativa vigente in matèria de protzedimentu amministrativu e de deretu de atzessu;

Chi in casu de violatzione de su presente providimentu s'ant a aplicare is sanziones prevididas dae su còdighe de s'istrada nou aprovalu cun su D.Lgs. 30.04.1992, n. 285;

Chi cunforma s'articulu 3, 4 commas de sa lege 7 austu 1990, n. 241 chi giughet "normas noas in matèria de protzedimentu amministrativu e de deretu de atzessu a is documentos amministrativos", su presente providimentu est impugnabile cun recursu giurisdizionale a in antis su TAR de Casteddu intro su tèrmine de sessanta dies dae sa notìfica o comente si siat dae su connoschimentu prenu de su presente àutu dae banda de is destinatàrios overas cun recursu istraordinàriu a su Presidente de sa Repùblica intro 120 dies dae su matessi tèrmine.

Totu is òrganos de politzia istradale segundu s'art. 12 de su D.Lgs. 30.04.1992, n. 285 sunt incarrigados de vigilare subra s'osservàntzia de sa presente ordinàntzia.

DISPONET

chi sa presente ordinàntzia siat publicada a s'albu pretòriu comunale de Santu 'Asili de Monti, in su de s'Unione de is Comunos de su Gerrei, pubblitzizada cn manifestos postos in is loges pùblicos costumados e in sa signalètica temporànea chi at a èssere posta in is caminos e siat cunsignadu inditados in còpia pro is acumprimentos de cumpetèntzia:

- a sa Sig.ra Isola Anna Maria titolare de s'autorizatzione terra pùblica;
- a su Cumandu Istatzione Carabinieri de Santu 'Asili;
- a su Prefetu de Casteddu.

SU REDIGIDORE DE S'ATU

Ass. Capu de P.L. Pier Andrea Pisano

SU RESPONSÀBILE DE SU SERVÌTZIU

F.du Cap. de P.L. Dot. Alessandro Porru